

Gunghcwngz: Diuqfoux Yienj “Siengj-muengh Cungguk” Beixnuengx Yauzcuz

恭城：千人共舞演绎瑶胞“中国梦”

Mboengqgonq, Gunghcwngz Yauzcuz Swciyen youq ndaw yienh Vwnzvuj Gvangjangz gawjbanh ciengz fouxlienhdang Yauzcuz doxdax ndeu. Baez doxdax neix, aeu “hungzyangz minzcuz vwnzva” guh cawjdaez, muzdiz dwg hungzyangz minzcuz conzdungj vwnzva, baijok gij cingsaenz funghmau ginzcong mbanj Yauzcuz gyaenz dangj, gyaenz guekcoj, giendingh byaij diuz loh seveicuji Gungguk daegsaek haenx, caenh’itbounh doidoengh Yauzcuz vwnzva fazcanj, fungfouq ginzcong cingsaenz vwnzva swnghhoz, vih mbanj Yauzcuz gensez huzndei gyaendei haenx comz rengz. Gyoengq ginzcong daj dak yangh (cin)、mbanj、segih daeuj, caez hwnj daiz diuqfoux, aeu diuqfoux Yauzcuz baijok yienghsiengq moqsak lwgminz Yauzcuz, gikfat gij ndiepcingz daihgya caez caep “siengjmuengh Cungguk” haenx, ciengzmienh hoenghhdw nauhyied, gamjdoengh simvunz.

Fouxlienhdang Yauzcuz dwg bouxbien dangdieg dawz “fouxgaeuyiengz”、“fouxvenz” daengi gij foux Yauzcuz neix caeuq fouxvangjangz giethab hwnjdaej, bien baenz fouxlienhdang Yauzcuz, de baugvat 《Fouxgyongraez》、《Fouxyouzcuz》. Gawjbanh fouxlienhdang Yauzcuz doxdax hozdung, hawj ndawsingz lajmbanj ginzcong vwnzva hozdung demgya neiyungz moq, yienh’ok aen gizmen ndei “ndawsingz lajmbanj dox gyauhliuz、dox yiengjsouh vwnzmingz”、“daengx sevei huzndei fazcanj” ndeu.

(Cwng Ciminj Cuz Canghyi)



▲ Beixnuengx Yauzcuz angq-vauvau diuq fouxgyongraez.



▲ Cien vunz diuqfoux anga lailai.

◀ Foux ndeyawj, vunz gyaendei.

Nanzdanh: Minzsuz Vwnzva Yinx Bouxyouz

南丹：民俗文化引游人



“Yinhgeq Gamjmbwn” dwg dieg gingj byaujyenj Yauzcuz minzsuz vwnzva ndeu, youq Nanzdanh Yen Lijhuz Yauzcuz Yangh ndaw Gamjrumzliengz. Yauzcuz beixnuengx coengmingz raix-caix, gyoengqde leihyung conghgamj caeuq gwnz raemx guh daizfoux, comzcae baijyienj gyonglaz vwnzva、foux minzcuz, ndangdaenj minzcuz daengi gij vwnzva Yauzcuz, hawj bouxhek liujgaij le lai cungj lai yiengh vwnzva Yauzcuz. Youq ndaw ngoenzgyaj cietgozging, miz geij fanh vunz daeuj yawj le byaujyenj.

(Gauh Dunghfungh)

Lungzswng Maklozhan Ndaej Fungsou

龙胜罗汉果
喜获丰收

Lungzswng Gak Cuz Swciyen doenggyaq “gunghsw h caeuq hozcozse nem ranz nungzminz” dox giethab fuengsik, roengz-rengz fazcanj ndaem maklozhan. Seizneix, aen yienh neix ndaem maklozhan miz fanh lai moux, moix bi gai maklozhan ndaen ngaenz mauhgyaq ik maenz. Ndaw doz dwg gyoengq gunghyinz cang maklozhan haeuj sieng.

(Veiz Gizyangz)



▲ Beixnuengx Yauzcuz baijyienj buh-vaq gyaendei Yauzcuz hawj vunzlai yawj.



▲ Haeuxcid rap daengz gwnz hoih.